

LABURRAN

Bihar hasiko da Hondarribiko Aste Politikoa

Orreaga iritzi taldeak antolatuta, bihar emango zaio hasiera Hondarribiko Aste Politikoari. Bertan hiru hitzaldi izango dira. Bihar botereaz eta haren moldeez mintzatuko da Joseba Ariznabarreta filosofia katedraduna. Ekainaren 26an Gernikako estatutuaz mintzatuko da Koldo Martinez Garate Telekomunikazio ingeniari gorenareta Iturralde taldeko kidea. Amaitzeko ekainaren 28an totalitarismoaz hitz egingo du Kepa Anabitartek.

Edurne Uriarte izango da Askatasunerako Fundazioko presidentea

EHUko irakasle Edurne Uriarte izango da hainbat politikari, sindikalista, eta intelektual ez abertzalek ekainaren 29an Bilbo aurkeztuko duten Askatasunerako Fundazioko presidentea. Fundazioko gerentea PSE-EEko Bilboko zinegotzi Teo Uriarte izango da. Beraien helburua «abertzaleek behar bezala babesten ez dituzten hainbat balioaren aldeko jarrera erakustea da».

Amaitu da Zumaiaiko udaletxean Alderdi Politikoen legearen kontra egindako itxialdia

Atzo amaitu zen Zumaiaiko (Gipuzkoa) udaletxean Alderdi Politikoen legearen kontra 15 pertsonak egindako itxialdia. Eguerdian 1979tik gaur egun arte ezker abertzaleko hauteskunde zerrendetan aurkeztu izan diren 35 lagunen bisita jaso zuten itxialdian parte hartu zutenek. Arratsaldean, berriz, manifestazioa egin zuten, eta bertan 90 lagunek parte hartu zuten alderdi politikoen legea salatuz.

Oñatiko Aurrera Euskal Herria plataforma aurkeztu da

Alderdi Politikoen legearekin «herri oso baten ilusioarekin amaitu nahia» salatzeke, atzo aurkeztu zen Oñatiko Aurrera Euskal Herri plataforma. Bertako kideen aburuz, egoera horren aurrean erantzun tinkoa emateko garaia ailegatu da. «Erasoa ez da Ezker Abertzalearen aurkakoa baizik eta Euskal Herriaren aurkakoa», adierazi zuten. Hori kontuan hartuta, gaia gizarteko eremu guztietara zabaldu behar dela uste dute.

EUSKAL PRESOK**Barandalla aske uzteko eskatu dute haren herrikideek Etxarri-Aranatzen**

Erredakzioa | IRUÑEA

Bautista Barandalla presoak Iruñeko espetxera ekartzeko eskatu zuten atzo Etxarri-Aranatzen hainbat herrikitarrek. Elkarretaratzean, Barandallak gaitz sendaezina duela gogoratu zuten eta Kode Penalaren 92. artikulua aplikatuta kalean uzteko exijitu.

Barandalla presoaren askapena eskatzeko sortu plataformak deituta, elkarretaratzea egin zen atzo Etxarri-Aranatzen. Manifestazioa herriko plazatik atera zen, eta herriko kaleetan barna ibili ondoren, berriro hasierako tokira itzuli zen.

Bertaratuek presoaren egoera «kezkarria» dela gogoratu zuten, Zaragozako espetxeko zaintza epaileak oraindik ez duelako erabaki presoak Iruñera ekartzeko baimena ematen duen ala ez.

Osasun arazoak

Barandallari heste lodiaren gehiena kendu zioten iragan apirilaren 20an egin ebakuntzan, eta gorputzeko zikinkeria botatzeko poltsa bat jarri zioten. Geroztik, lau aldiz ingresatu dute erietxeko larrialdi zerbitzuan, eta berriro espetxera itzuli da.

Egun Zaragozako Zuera kartzelan dago. Presoak Iruñeko espetxera aldatzeko eskatu zuen. Epaileak duela bi aste erantzunen ziola esan arren, oraindik zain dago.

Senideek behin eta berriro salatu dute espetxean ez zaizkiola ematen osatzeko beharrezkoak dituen baldintzak.

urak oroitzapen onak dakarzkigu...



Parkean egindako ibilaldiak, herriko etxean egin oporraldia, aitona-amonen baratza...

Zaindu ura eta oroitzapenak.

Egin ezazu ureztapena ordu egokitan eta beharrezkoa denean soilik...


behar duzun ura besterik ez erabili.

Xahutu gabe, Neurri-neurrian.

Ureztatzeko aholkuak begira itzazu interneteko www.riegosdenavarra.com orrian.



CAB/Cabodavía Asociados



...ez utzi galtzera

Mancomunidad
Comarca de Pamplona
Iruñerriko
Mankomunitatea